



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Christ. Francisci Paullini, Ferrariâ-Thuringi, Rerum Et
Antiquitatum Germanicarum Syntagma**

Paullini, Christian Franz

Francofvrti ad Moenvm, 1698

Sincere Lector.

urn:nbn:de:hbz:466:1-44860

SINCERE LECTOR.



Uo equidem chronica *Mindensia* veniunt, alterum incerti Autoris, complectens res istius Ecclesiæ gestas ab anno Salutis DCCLXXX. usque ad DCCCCLXXIV. editum ab *Henrico Meibomio Seniore*, Academiae Juliae Historico diligentissimo; (a) alterum, idque brevius, etiam Anonymi à *Ioanne Pistorio*, Niddano, D. Ecclesiæ Uratislaviensis Præposito, & S. Cæs. Maj. Consiliario editum, annexis in fine triginta Privilegiis Imperialibus. Non ibimus inficias, hoc vel istud, imò utrumque, in membranis suis excussisse *Buffonem*. Certè diplomata à *Pistorio* divulgata, ut ipse fatetur, (b) eum inspexisse, varia indicant loca. Si tamen *Watenstedianum* hoc opusculum cum reliquis contuleris, fatearis oportet, clariùs, distinctiùs, copiosiùs & accuratiùs scripsisse eum. Mindensis fuit, *Pistoris* filius, quam conjecturam mihi facit *Henricus Svartius*, (c) Canonicus postea Hamelensis ad Visurgim. Scripsit sub *VVüllebrando Hallermundano*, Præsule XLIX. summo benefactore suo, excessit autem sub *Alberto Hojano*, cujus postremus vitæ annus, secundùm *Chron. Mindens. Meibomian.*, erat MCCCCLXXIV. Quas schedas cum luce dignas judicârunt eruditi Antiquitatum Studiosi, nefas duxi obluçtari. Ardua res est, inquit *Reinerus Reineccius*, (d) summig. ingenii, historiam scribere, & qui eam præstant operam, præclare de omnibus merentur publicè. Est & hoc cum utilitatis fructu conjunctum haud pœnitendo, profecta ab aliorum industria id genus monumenta, si fortè lateant, proferre in lucem, quemq. inde contraxere situm, conveniente limâ detergere atque expolire. Ceterùm facilè videbis, *VVatenstedium*, *Duldorpium*, (qui an Hamelæ seu Mindæ Vicarius fuerit, nescio,) & *Fryschmedium* Pollensem (quod oppidum cum Præfectura ad Visurgim

(A) 2

gim

(a) vid. T. I. rer. Germ. à Nepote ejus edit. anno 1688. in fol. (b) in carmine suo ad Mindam, (c) in chr. Vallis Dæ ad ann. 1408. (d) in præf. chron. Ditzmar, Merseburg. c. p.

PRÆFATIO AD LECTOREM.

gim est, Electori Brunsvicensi subjectum,) coætaneos & familiares fuisse, qui uno eodemque tempore res Mindenses descripserunt & illustrârunt. Ausus cujuslibet laudandi. Singuli enim suæ servire voluerunt patriæ. Næ,

- - - pius est patriæ facta referre labor. (e)

Hæc nos delectat, ejuſq; rei tanta vis est ac tanta natura, ut Ithacam illam, in asperimis saxulis, tanquam nidulum, affixam, Sapientissimus Vir (Ulyſſes) immortalitati anteposuerit. (f) Disticha verò in effigies Præsulum scripsit *Jodocus Wittſtor*, quem vetus scheda ceu Pœtam, Musicum & Presbyterum mihi commendavit. Nec *Marpachius* tibi ingratus fuerit, licet fragmenta saltem catalogi dederit. Omnis antiquitas (judicio *Fryschmediano*) honoranda, ut parva, sordida & abjecta videatur aliis. Nec notulas aspernabere nostras, quas chartis hujusmodi inter legendum illino, sed patriæ forsan captus amore leges. Deus Te fervet! Scribebam *Ferrarie* Thuringorum antiò fundatæ Salutis MDCXCVII.

(e) Ovid. L. II. Trist. eleg. I. vers. 322. (f) Cic. L. I. de orat. p. 313. edit. Sturm.